

寶祐仙溪志

仙溪志序

郡邑有志其來尚矣凡境土之廣狹山川之近遠戶口之多寡租賦之重輕廨署之布置守令之代更與夫忠臣孝子義夫節婦文章足以經世道德足以師表者以至物產之宜仙釋之異莫不備具焉予行四方所至郡邑常首訪是書故每得其風土之實厚者因以勉之薄者因以勵之其為補助豈淺淺也哉至正辛卯仲春偕亞中大夫福建閩海道肅政廉訪副使朶兒只班按部至於莆之仙溪而其志書之板則已厄於兵燹矣方用歎惜而邑士傅玉

成以家藏本來贊因求重鏤於學官或曰是志也不過一邑之事
爾且多言曩代奚足以吾辱嗚呼不有垂憲孰窺乎前不有述事
孰繼於后矧是邑之板籍入於我皇元也久矣輿圖雖大又豈以
其細微而不恤哉制度沿革當有續志於將來者然則是書也又
何泯而不傳乎方與從事劉朴等謀復之而監邑倒刺沙乃願受
其役故以餘俸為之倡士子咸喜板成之有日復拜於庭而請序
因書以遺之朝散大夫僉福建閩海道肅政廉訪司事河東田九

嘉序

書吏

李元

劉朴

奏差

王忠

朝散大夫僉福建閩海道肅政廉訪司事田九嘉
亞中大夫福建閩海道肅政廉訪司副使朵兒只班

仙溪序

仙溪志序

古書有九丘有方言今圖經之類爾然左史倚相與典墳共讀揚
雄勤勤纂輯豈其書果不可闕歟吾郡三邑仙遊最鉅其山川之
美戶口之眾前來有記載者少府黃君始奮為縣志上下數百年
間人事之變風土之宜採之舊聞訪之故老皆有考據釐為十五
卷其言曰地以人重瞻言耆舊有列於慶厯諫官者有危言讜論
相望於元祐黨籍者有與鄒道卿同貶者有為乾道名宰相者其
他魁彥勝流不可勝書故其志人物尤詳焉曩予嘗同鄭子敬方

仙溪序

孚君至邑西清陳公時年八十餘矣余三人設醴清談竟夕多及
乾瀉間事健少年不及也豈其水深土厚所產皆秀傑歟黃君俾
余序其書不獲辭君名巖孫字景傳溫陵人秩滿臺郡皆以才薦
將去為潮州郡文學矣寶祐五年孟夏既望中大夫右文殿修撰
提舉臺州明道宮劉克莊序

莆甲七閩分邑惟三仙溪又甲諸邑前未有志是大漏典今趙君
與泌事關風教每切留心堯舜道統之傳盛於孔子而尊經有閩
周程道統之傳恢於朱子而肖像有祠重惟茲邑山川連蹠秀氣
所宮鍾美前哲宗經術嗜理學壽斯道之脉宏矣直節高風立懦
千載不筆諸志何以詔久會邑士有請諗尉黃君嚴孫編次之於
人物為尤重揮金十萬以倡相之者翕若半稔而板傳一披圖經
訪詔石勝必有好事若韓昌黎者僕來自京國蘇兄攀龍偕同志
以復序為屬竊惟有紙上志有胸中志奇峯峭拔宜產鋪茶生齒

仙溪序

稀而之繁版賦豐而之縮紙上志也用則入祖徠聖德之頌不用則入文德黨籍之碑仕則致身鼎鼎而一畝不增不仕則高卧林泉而累召不就胸中志也是舉也裨風教居多編次云乎哉若夫緝脈絡於既往紀流緒於方來當有增光此筆者陸澄地里書而任昉補之王曾九域圖而王存廣之深有望於後之人寶祐丁巳中秋日平湖陳堯道敬之序

仙溪志卷一

宋迪功郎興化軍仙遊縣尉黃巖孫編
元興化路仙遊縣務提領黃真仲重訂

叙縣

仙遊之與莆田其始一縣也莆之與泉其始一郡也莆泉之與福
建其始一全閩也周職方載七閩皆無別國之名今不可考按郡
志言秦隸閩中漢隸閩粵東漢隸南部都尉吳隸建安晉隸晉安
梁隸南安陳永定初合建安晉安南安升為閩州光大二年改豐

州隋開皇九年改泉州此皆金合閩之地言之至唐武德五年析南安別置豐州領縣二曰南安莆田此莆田置縣之始也貞觀元

年廢豐州以其地屬泉州

今福州

聖厯三年復以豐州地為武榮州

今泉州

尋析莆田為清源縣

今仙遊

此清源置縣之始也

耆葛相傳縣本清源鎮後

因其名為縣然舊無所紀

天寶元年改泉州為清源郡別駕趙頤正以縣名同

郡非便奏請改之因考故事謂縣有九仙人姓何以兄弟九人登

仙得名遂改為仙遊縣隸清源郡乾元元年以清源郡為泉州南

唐保大二年升為清源軍宋乾德二年建為平海軍而縣亦隸隸

馬太平興國四年詔析泉州游洋百丈二鎮置水平軍尋改名興
化軍五年以莆田仙遊來屬縣始隸興化軍會要云四年未詳仍析仙遊
縣來蘇里入興化縣析泉州德化縣九座山入仙遊縣定為四鄉
二十六里唐地里志為中縣九域志升為望縣

星土面勢

吳越天文分直星紀於辰在丑閩介吳越之中而仙遊一友邑爾
釋周保章謂諸國中封域於星亦有分其書已亡今不復詳考縣
治舊在大飛山南五里唐垂拱二年始遷於舊治之南三十步主

山來自九座山蜿蜒百里轟為大飛小飛二峯逶迤度脉繇亥位
折旋為岡阜降南而縣宅焉西接飛山東列石鼓北枕瀑布南帶
仙谿夾以二塘水繇艮出文筆峯銅鼎環列其旁水繞山蟠面勢
環翕真東南之壯邑也

道里

仙遊之境南際溫陵東抵莆田雖在重岡複嶺之中而官道坦夷
行者便之莆泉之趨國都者皆阻於大義渡邑有山路三東出游
洋西出九座德化士夫商賈咸道此為捷徑焉

縣境東西八十五里南北一百一十五里

東三十五里至縣界俞潭界首三十五里至本郡又水路至縣南橋

至本郡木蘭陂頭七十里

西五十里至縣界白隔界首五十里至泉州府永春縣

南五十五里至縣界白水坑界首四十五里至泉州府惠安縣

北界首至興化縣無徑路里分不可攷

東南五十里至縣界長嶺界首四十里至本郡城

西南三十五里至縣界白塔嶺北界首百三十里至泉州府

東北三十里至縣界何嶺

西北七十里至九座山又十里至縣界磨頭寨界首五百二十里至

劍浦

鄉里

秦開阡陌比閭族黨之法不古矣今之鄉保期會徵令雖役於官而通有無知緩急鄰里輯睦猶可稱焉

宋太平興國四年定為四鄉二十六里

此條及下四鄉原本未注

嘉禾鄉在縣西南管里六功建縣志舊名孝仁養志廉潔仁德保德

歸德鄉在縣西北管里七旋珠善化興賢舊名樂輸清泉萬善聞賢舊名

聞永福舊名永安

修德鄉在縣東北管里七咸平常德舊名常樂折桂舊名陽樂安賢舊名安樂畫

錦舊名幽谷永興舊名永泰香山

唐安鄉在縣東南管里六香田陽谷仙谿慈孝依安舊名依仁連江

官廨

聖厯置縣幾六百年中間撤舊更新不知其幾而碑刻多闕歲月無所乎考然規模面勢雄壯偉麗比他邑為冠

縣治據大飛山之南正門南向上有鼓樓

崇甯二年知縣錢聞重建

前設手詔

亭內為簿尉二廳相望簿廳之後為省倉常平倉次為中門翼

以兩廡中為廳事

始建歲月莫考淳祐十一年知縣趙時鑄重建

榕陰滿庭東則庫帑

吏舍西則賓次獄狂廳事之後有堂曰平政又其後曰平易

舊名

清心軒又名損末後改名五柳嘉熙間知縣姚遇重建二堂改今名

堂之東西寢處之室在焉

廳之東曰東園

舊名梅園

園之內有錦香徑徑之中愛香亭循愛香

而北有亭二曰橫琴製美循製美而南有臺二曰清越曰玉醮

花木青葱亭臺爽塏皆公餘游息之所廳事之西有樓曰望秀

今廢有堂曰道愛嘉定十二年知縣許伯詡建陳諫記寶祐四年知縣趙與泌重修乃視事之便

丞廳在縣鼓門外南街之東舊為仙溪館後改遷軒館崇甯三年置丞始葺為廳事紹定元年縣丞趙

琴夫重建大門之北為廳廳之相向曰南館內曰簡靖東為宅堂前

鑿池築水其閣上

簿廳在縣中門外東南隅始建歲月莫攷前有看窗一間瞰於市之東街

東西有亭二曰鸞棲曰樂香舊名高士矮屋主簿林僞所建後改今名

尉廳在縣中門外西南隅始建歲月莫攷元祐前有南軒嘉定十

六年縣尉李環重建

莊夢說
重建

東有甲仗庫庫之上有樓曰大隱

舊名見山縣尉周瑞常改今名自記西

有軒植雙梅於前曰梅林梅林之北有堂曰思賢

縣尉黃巖孫記堂之

前有熙春臺之舊址由臺而北有古松數十株夾以梅竹氣象

幽雅中為亭曰環秀

陳復齋
必書

倉庫

附稅務教場

縣之歲入無幾而倉庫乃積儲之地不可不載

省役庫常平庫在縣治之東廡

省倉常平倉在縣中門外之東偏

太平倉在連江里風亭市

東倉在常德里仙溪觀界

西倉在仁德里龍華寺界

北倉在縣之大門西南

右四倉皆
備荒而設

鹽倉在縣中門外之西偏

太平鹽倉在連江里風亭市

稅務在縣鼓門外之東偏

甲仗庫在尉廳之東廡

教場在縣北二百步

自省役庫以下原本失注

縣郭

縣負山帶溪雖無城築然視縣以來中更山寇而按堵如故者得

非溪山形勢之壯歟

縣郭袤二里舊無城築紹興十年山寇竊發知縣陳致一始築城

浚濠以禦之寇退不克終役乾道中知縣趙公綢始作四門東

曰朝京

舊名九仙慶元中知縣呂祖平重建改今名寶祐四年知縣趙與泌重建吳叔告書

西曰元台

舊名

甘澤後名麗澤

淳祐三年知縣黃清

南曰登俊

舊名流慶後名望壺淳祐三年

吏重建以葉正簡改今名鄭性之書

知縣蔡次傳重建
北曰拱德
舊名橫翔嘉定十二年知縣許伯訓重建改今名陳讓書

坊表

表宅里以彰善其來尚矣縣之坊表凡悉書之

東曰耆德

以侍郎陳讓立

積善登龍西曰省元

以省試第一人葉大有立

尚賢南曰登

俊登雲

以在縣學前立

市鎮

縣地僻而物貨慳商旅跡罕到一關之市間或有之而鎮廢久矣
風亭市在連江里人家並海土產砂糖商舟博販者率於是解纜焉舊有太平鎮紹興二十六年廢

沙溪市在賜谷里

龍華市在養志里龍華寺之前舊有車安鎮紹興二十六年廢

潭邊市在萬善里舊有石碧鎮紹興二十六年廢

中獄市在萬善里中獄寺前

宸翰

雲漢之章示異寵也見者當聳然而作如望龍頭之塵而聽屬車之音僻遠臣子親被宸奎其際遇亦榮矣謹拜手恭書于左

戒石銘批詔太宗皇帝摘孟蜀勸農錢語紹興二年高宗帝得黃庭堅所書且批詔以賜長吏成刻石置於廳事前

及座
右

賜字君謨皇祐五年九月蔡襄為模寫真宗奉神述聖制畢時降中使賜御書一軸其文曰御筆賜字君謨襄進詩以謝

上賜詔獎諭後模刻作序以獻

春風賦

乾道二年孝宗御製書賜葉顥

教忠東石

賜葉顥大有

篆書明堂二字飛白明堂之門四字

仁宗賜宏法大師清衷各題曰孝子嗣皇帝御名書

御書古詩二首

神宗賜宏法大師清衷其字徑尺草書藏於普惠院御書閣

學校

古者教人自王宮國都以及閭巷莫不有學則郡邑之學其來久矣實講學行義作成人材之地故錄之特詳

廟學始建於縣西咸平五年遷於縣南前為殿祠先聖後為堂左右為廊繪從祀以祠之又作游聖亭移風廳日新中鵠二亭段全為記

慶歷八年修之元祐九年復修之宣和末例廢養士學宮圯陋不

治紹興九年寓公肇慶守陳可大出家貲率邑人更新之知縣謝

天民助成之謝天民為記乾道七年知縣趙公綱重修之翁元為記殿曰大

成講堂曰尊道朱希為記齋有曰思告明倫篤志懿文宣哲誠意舊有齋

後廢其一位有四曰學長直學學諭教諭六經有閣祭器有庫瑞筴有

堂克英長於詔歲常應舉人之數故名土地有祠庖福有舍此學規創之始也紹定

六年知縣黃登撤尊道堂重新之即瑞筴堂之舊址建亭曰色笑

嘉熙四年知縣黃清叟始造三獻官祭服寶祐三年權縣趙汝催

撤縣治西樓建於學之東偏役未就知縣趙與泌移於色笑之西

偏扁其間曰尊經堂曰文會卓得記新立朱文公祠陳曉道記新東廡闢

西溝舊為居民所侵故重闢之造祭器規模備於前矣

學田祀田

游學田紹興九年肇慶守陳可大以建學之餘資買置以助修學
田一十二段三十五畝一十四步歲入租穀四十石贍學田乾道
二枋見學糧碑今租錢四十六貫三百二十八文省
七年知縣趙公綢因屏山之隙地白湖坂之荒田及諸里湮廢之
田墾闢以充學廩田三百餘畝歲入租米二十一石七合建興院
今租錢七十九貫四百一十五文省
田產錢一十一貫二百六十四文四分紹興三年郡守趙彥勵以
其田助學廩嘉定六年知縣葉文炳委學職核實租穀置籍畫圖
如經界砧基之式田八十五段園一十一段詳見學職陳鼎新圖
籍今租穀四百六十一石九枋大麥二石五枋
二角小麥五石三枋三角子頭錢三十二貫六百一十三足園租
五貫九百八十九足共管租錢八百九十六貫六十五文省

建福院田產錢二貫七百九十九文一分嘉定二年主簿韓濟請

於郡以助學淳祐元年知縣蔡次傳三對僧院舊租署籍田二十

五段圖

二段詳見官籍合租穀一百四十八石三枋二角小麥七枋子頭

錢七貫七百五十六文足園租三貫二百八十八文足共管租錢

二百八十五貫三十八省二院田歲輸租如編戶而縣胥虛張之費幾倍焉寶

祐二年知縣趙與泌委司計核輸租之實數餘以養士元額租錢四百貫文

委司計林天驥驅磨實坐學長直學學諭教諭四員為省額其始

二百三十貫二百三十文

乃軍學分隸於縣以軍學鹽錢給其俸每歲就鹽錢撥一百七十

八貫二百四文本縣自催

自給近以鹽錢兌折輸租自是縣免撥鹽錢學免輸官租每歲僅

支其餘五十二貫二十六以足輸租之數四員俸給如元數悉於

學糧取辦焉

前廊等職無定員大率隨時增減六齋長諭十二人春秋

二補生員共八十八

鄭家絕戶田園寶祐五年知縣朱浚撥入學廩

田計七段園計四段歲入租錢咸淳

二年趙知縣必燧拘納正色為例

下福建院田產錢八貫六百一十三文景定三

年平湖陳堯道官諫議曰請於部使者以繼廩士時朝家新初主

學春秋二補復增堂試校定分數存留十員每季行拱教養職事

生員共百餘人

田僅有佃戶名字緣此耕久廢租額難考時職計者肆為欺隱續知縣鄧桂發委司計蘇三英等核

實早租計穀九十一石七枋三升佃戶二十五名新來租同晚租一百單二石二枋三升佃戶二十一名有額無催一百六十餘石

尚未復額搜扶釐
正於來者有望焉

春秋二丁釋奠先聖先師凡牲幣醴齊各有司存惟仲丁舍菜於
朱文公暨西山勉齋二先生忠惠正簡及元祐四君子祠祀費每
請於縣帑支給不時咸淳十祀郡糾曹趙必倅來攝茲邑嘗泣祀
事懼其簡畧非傳遠計遂撥西塘官田租穀一十石又置下阮田
租五石園租一貫四百金專充次丁禮料繼自今儀物有須藏祀
無缺於此見趙侯之為政其知所崇尚歟

西塘田計六坵下阮田計三坵園一坵又號槐
槐兜四至載官契產錢刈入學係將鄭家義還戴氏查田錢十八
界一十貫會委直學蘇三英置買上件田管租自乙亥為始

社稷

縣之社稷與郡等重民事也長吏上之三日率致謁按式以修治焉

壇在縣西南半里中立社稷西為風師立石為主旁設燎壇前為齋廳外建門嚴鑰以守之

始置歲月莫攷乾道六年知縣趙公綱重修

雷風壇壇舊在

教場東北隅歲事間遭風雨權就閱武亭之西偏望東北以祭歲以為常其壇遂廢

按政和頒式橫列三壇中立社稷東風師西雷師雨師總為五壇社壇方二丈五尺高三尺稷壇如社之制四出陛四門同一壇二十五步燎壇於神壇之左壇之外視於社四出陛四門同一壇二十五步燎壇於神壇之左壇之外視

他壇稍高瘞坎於壇之北壬地南出陞
方深取足容物姑記之以俟改作者

風俗

莆之風俗惟仙遊為近古生其間者人性敦樸嗜好簡靜始也士
未知有科舉之利民未知有紛華之悅承平日久始多儒雅多世
家宦族而習俗漸趨於文然儒者力於脩飭而不苟進取仕者樂
於清貧而不急富貴有高臥山林而累徵不起者有致身公相而
田不增一畝屋不插一椽者風聲氣習之薰染蓋可想已業進士
者明經多而詞賦少隸民伍者耕農多而商賈少婚姻不愆於禮

喪葬不儉於親有無緩急相通融歲時往來相問勞猶有古之遺
風焉縣三面皆山而瀕海之地僅東南一隅生齒日繁田疇有限
中產藉麴糴以營生細民蔭蔭就以規利勤儉以署戶門者能安
於澹泊而不侈靡以相誇爭競以泄私忿者能急於懲艾而不事
詬訟以求勝知理循分而寡怨易足安土樂業而用志不偷此風
俗之大畧也惟其風俗之淳故流弊有所不能免俗敬鬼神則受
巫覡蠱惑之欺性多慈弱則啟倖民侵牟之害人皆愛身畏法則
滋雁鷺舞文之姦使或者得以議俗焉武城化言偃而絃歌晉鄙

薰陽城而善良返樸還醇蓋將有望

戶口

置縣之始人煙稀疏五季干戈北方避地者多居於此故老相傳其時主客未滿千戶也宋興三百餘年生齒日繁較之疇曩不知其幾倍焉郡志載本縣主客戶二萬七千九百八十七口六萬二千四百六十四時紹熙三年也寶祐四年主戶二萬七千四百三十七口四萬七千五百五十七客戶一萬三千三百六十三口二萬五千八十視紹興加多也

財賦

隋唐以來財賦多仰於江南紹興中詔天下行經界法量畝步置
砧基而縣之版賦始定以土色計產而縣之產錢比他邑為最重
比年以來民戶兼併而逃產無所歸寺觀不濟而虛產不可豁由
是經賦淪失縣計焦熬

夏稅

歲額七千六百九十一貫四百五十文

省

麥八百二十九石一斗二升

布正共一千三百五十七貫六百五十七文足

草一萬八千五百五十束

以上四色
解發使府

畸零錢八百一十一貫二百四十八文省

麥一百一十九石七斗八升

布正錢二十五貫七百五十文

足以上解
發京司

小麥義倉錢三百三十三貫七百七十文省

麥五十一石四斗

解發
使府

產鹽

歲額二十七萬八百六十九斤計錢五千三百八十二貫七百三

十四文

省內除小鹽放免餘分四色窠名

淨利鹽錢一千四百七貫二百五十二文

省解發使府

增鹽錢三千一百六十六貫三百一十七文

省解通判廳納轉運司

贍學鹽錢四百九十九貫五百七十文

省內一百七十八貫二百四文省支省額學

職俸餘丞廳催撥頭合等外解軍學

貼納鹽錢一百八十七貫五百一十文

省解發提舉司

畸零鹽錢三萬一千六百九十五斤計錢六百二十九貫七百九十文

省解發
經司

夏秋二科役錢

歲額共管一萬八千一百七十貫六百八十六文省

經總制錢一萬三百六十五貫七百二十八文省

官戶役錢一千七百一十四貫三百八十四文省

綱脚錢一十六貫二百八十六文省以上解
通判廳

減人吏顧錢二百七十四貫九百一十二文省解發使府閏年
解增二十二貫

九百一
十文省

弓手額三千五百七十五貫四十文

省閏年在外丞縣催縣尉莊彌高申縣撥僧院役

錢支尚闕五百二十貫縣丞趙

汝催申軍縣增撥民戶役湊支

支遣吏役手力等庸錢一千八百九十六貫文

省

上項就官民院戶納到役錢支散近以產錢走失所催皆不及額視納數之多寡隨宜酌斟支給

常車役頭子錢二百貫文

省解提舉司

秋稅

苗白米額管二千五百七十二石八斗九升

職白米額管九百二十二石四斗五升

苗糴米額管一萬七十二石三斗六升

莊糴米額管一萬一千三百三十三石五斗八升八合

縣省倉通年科撥白米約二百石支官員俸

隨年增減

太平倉通年科撥糴米二千四百石支寨兵鋪兵月糧

蔡端明請於朝

科撥近男入戶冬苗輸之以給繫

寨兵風亭長嶺鋪兵軍民兩便

軍都倉

除催納正色米額外餘並折變價錢行下縣庫交納解

湖州

例每石價錢二貫四百五十文民甚便之五斗以下及

小米先折價錢一萬四千一百四十二貫四百一十二文省

歲有逃亡落溪正色糴米三百五十石二升白米八十二石

六斗僧院不濟米在外又五斗下小米逃亡落錢共有一千五

百貫文省州郡通年路退

今合路之數又不止此

畸零糙米一百八石一升白米一百一十六石四升計錢七百七

十六貫三百七文

省補發經司

常平義倉糙米九百三十八石六斗九升白米二百

下開

物產

縣境依山瀕海故水陸之產足於他邦五穀之種隨所宜樹稻之

三秠秠金成

六牲之物隨所宜畜酒則以杭為麴

閩中記云俗尚以秠為麴釀酒

也粟麥麻豆微紅色蟠而熟

鹽則編竹為盆貨殖之利則擣蔗為糖漬藍為澱

之經夏尤清

紅花可以朱莛草可以紫布帛之幅則治麻與蕉織絲以紵細織皮雜絲織為布本軍士貢葛布一疋此土宜乃以本縣土產兼絲代之紵出於土機者最精細粥於蠶戶者為良用物則窠蜂而取蜜且溶其房以蠟灰蠟而柔竹則蒸其屑以紙鍊鉛而粉米柏而燭凝土而燔之密則埏埴之器通於三邑煮鐵而出之模則鼎釜之利及於旁郡木有松栢杉山綿水綿竹有慈貴筋石雪釣猫頭花卉則有紫芝紫芝荆瑞香龍爪蜜橘而芍藥之奇南州所無焉果瓜則有荔子員眼黃甜李栗而梟茨之珍又他郡未有焉菰葦以春薦瓜瓠以夏摘蹲鴟以秋熟荀蒻

以冬供獸有麋狸竹鼯禽有黃爵鷓鴣鳩子雉雞介鱗之類有石
鱗魚子魚鰻螭螭螭團魚抱石魚草有黃連烏藥草烏半夏木耳
莎草石蓮蒼耳木通木鼈鶴虱枯樓空青黃精罌粟地黃天南星
吳茱萸草決明麥門冬骨碎補龍膽草金櫻子蜀葵子山梔子使
君子草牛膝薏苡仁石菖蒲金毛狗脊諸物餘與鄰壤同者者不
記

貨殖

鹽海物異名記云編竹為盆熬波出素即以竹名盤也其法以竹篾織之達以蠟灰使不漏不燒者以酒水隔之也

沙糖 檳榔為之太平

港籍比取易

蜂糖 土人為之蜜有三

種石蜜土蜜木蜜

蠟有黃蠟

白無蠟

鐵 蘇山蔡家世其

業馬 原注

磁 白磁器出

仁德里

鉛粉 桃花雪花二

粉縣市所造

紙 竹紙出東西里商人販賣於莆泉

紙出香山朱山及慈孝里洪倉

青澱 爾雅云為藍今大葉

冬藍為澱者是也

紅花可以染絳爾

紫草一名莼草

蕉布海物異名記取蕉以反理其皮

稻種類非一有一歲兩收者春種夏熟曰早穀閏中記謂之獻臺

城稻其種甚

多難以俱載

豆物理論菽豆之總名有黑豆菜

糯字林云粘稻也俗謂之秠

菓實

國史補載李直方嘗第菓實名如貢士者以綠李為首櫻李為副櫻桃為三柑子為四蒲萄為五或薦荔支曰寄舉之首蔡端明荔支譜云荔支閩中惟四郡有之福州最多而興化最為奇特泉漳時亦知名列品雖高而寂寥無紀夫以一本之實生於海濱品險之遠而能名徹上京外被夷狄重於當世是亦有足貴者其於菓品卓然第一又李贊皇謂此樹為南方佳人不奈寒稍寒之處已則不可植矣

荔枝名品者特出天成雖核植與舊本終不相類宋香之後無宋荔枝香所存者孫枝爾陳紫之後無陳紫遇牆即為小陳紫朝散

林迪詩云為種不同橫核李過牆便作小陳支今小陳亦枯
老舊譜所存惟方紅游家紫周紅員丁香後出者有王五堂
紅郎官紅游丁香為最勝其餘若狀紅紫瓊百步蘭香西紫
紅香大小江練疏黃紅瑞堂紅松紅麝囊紅百步香黃玉之類
是亦名家邑中植荔惟風亭為
宜然皆不若產於亦胡者為佳

龍眼

過荔枝後始熟名為
荔枝奴碧溪者為佳

李

琥珀李紅饒李蜜李粉李
黃甜李產於新勝者為最

菩提菓

海物異名記花如冠鞋花碧葉似冬青
實畧似枇杷味甘且香核堪入藥用

黃彈

祥符圖經云黃檀子海物異名記木有黃彈子其實若彈丸
其葉若山桂而香又云本出於越王蔡太一檀之側曰王檀子

栗

近海之地不可
植見海終不實

鳧茨石碑新嶺者為上品原注

楊桃閩中記生五瓣狀如礮璣酢可食

甘蔗赤者曰崑崙蔗白者曰荻蔗土人搗以為糖風亭者為最

新蘿葛閩中記云勝似家葛甚大甘味似蘿葛解醒消煩渴一名土名瓜

箇摩子林謂記生山間而煮食之皮有殼裏肉如蓮子

丹黏子林謂記生葉如白楊其子倒黏紫色大如棗味甘東坡云海漆

花

牡丹芍藥莆中地煖非所宜獨仙遊之汾陽山間有之原注

海棠別有一種黃

紫荊枝似黃荊大葉無極春月開花紫色至秋葉始盛之如小珠林譜記葉如白楊樹如來禽

雞冠閩中記秋開紫色如畫雞冠之狀佛書曰波羅奢花矮者曰玉樹後庭花

瑞香冬月開有簇頭者有纏枝者紫色者香濃

素馨嶺表錄異云耶悉茗花始自番船載至香聞百步廣中種之名曰素馨轉而入閩蔡端明詩云素馨出南海萬里來商船

茉莉佛書謂之末麗林世程云此花惟閩中有之又有一種紅色者蕙生有毒曰紅茉莉

草

鼠麴藍色生山園中土人多以米粉并糖和作餅其味香美艾軒集謂之暑菊

蹲鳥芋也土所宜種勝於他邑有五種白芋真芋連綿芋紫芋八卯芋少毒

木

松有五鬣松有三鬣松蔡端明為本路轉運使命自大義渡直抵漳城夾道植松郭祥正以道傍松歌之所謂行人六月不知暑

千古萬古搖

清風者也

水綿

好生水澤傍其狀似柏

杉

出文賢永福里

加條

閩中記云其葉可用磨犀角象牙

冬青

韓子蒼云萬年枝也閩中記云肥理白文如象牙道家取以為簡

金荊

閩中記木堅有文彩色黃可作牀榻

竹

笙竹

沈括云笙筍三月生有四月生者又有五月生者謂之晚笙俗云立夏生筍多不成竹

苦油竹

海物異名記越人以苦毒竹為鎗中虎即斃

筋竹

石竹

江南竹

亦曰雪竹

釣竹

一曰綿竹其筍有毒以其稍軟垂如釣故名

慈竹

任昉述異記南中有子母竹生不離本今之慈竹是也

猫頭竹

一名紫猫竹最大枝疎葉大

禽

信鳥

閩中記人家客至則飛鳴以為信能為百禽之聲亦名進鳥

鵲鳥

林謂記似鵲長背有皮囊可盛水數升張口取魚吐所含之水而食之亦曰淘河其能淘河水取魚

孤雞

自呼其名曰姑惡春夏之交晝夜不絕聲林謂云題鵲非也

鸚玉

閩中記溪禽也似鸚黑也

雉

周禮庖人供六禽雉其一也古云兩足之美惟鵲鵲即雉也

鵲 閭中記似鵲而小一
名鵲 鵲方言曰孤猿
鵲 其毛黑白相間成文崔豹古今註云鵲鵲怕寒霜夜以草
鵲 覆其背飛必先南蕭王詵云鵲鵲出南不可與荀同食

鳩 一名
鵲 鳩

黃雀 八九月有之可
作酢謂之披綿

獸

香狸 林謂記似貓口尖耳員亦有
文所過草木皆有香如麝

麝 爾雅麝也麝其總名其性善
驚飲水見影輒奔走味甚佳

山犬 林謂記似人家犬赤
色黑文好食菜實

竹鮓 一名育虫閩中記謂之管豚贅甯云人或竹刺肉不可出者啗此物立消以其食竹故消竹毒

水族

子魚 出太平港大者長滿尺蔡君謨以子魚為天下珍味

烏魚 出太平港海物異名記澤首喙圖其質類緇

章魚 出太平港八足圓首南海異物記正名曰蛸蛸足短而大者如塗婆

蠣房 附石而生相連如房因名蠣房晉安人曰蟪郎之濱海俱有蠣然皆不若風亭海中者尤佳其蛸蟠作灰亦曰蠣蛸

車螯 出太平港海物異名記其殼為海沙蕩摩光瑩大者如花小者如拳歐陽六一食車螯詩云璀璨殼如玉斑斕點生花

蛤 閩中記班駁如雕鏤

坐魚生於澤中者曰水雞其色斑駁生於巖谷中者曰蚶蜆亦曰石鱗魚其皮黑海物異名記巖棲密處飲風露者曰石撞奇

味也

螃蜉赤湖者為佳

鼈亦名團魚

抱石魚梁溪者為佳

藥品

天南星春生苗似荷梗莖高尺餘花黃子穗味苦辛
莎草一名香附子汁治小兒痢

黃連

石蓮

鳥藥

草烏

半夏

木耳

桔樓

一名天瓜

黃精

生深山懸崖之上千葉者佳

鴛粟

地黃

蒼耳

一名羊負來

木通

木鼈

長藤引蔓似桔樓有刺青黃色剖之子如木鼈

鶴虱

空青

骨碎補

龍膽草

金罌子

單葉形如小石榴

茱萸一曰吳茱萸

決明葉如槐子如菉豆而銳味鹹苦甘

麥門冬林謂記根圓如小珠

牛膝

薏苡仁

蜀葵子

山梔子其花六出其實

使君子藤生花紅子有稜青黑色味甘溫

石菖蒲

金毛狗脊

原本貨殖以下僅注舊志數條今依序文所列及引用古書者並錄之

仙溪志卷二

令佐題名

題名自秦漢以來有之非徒列名氏載爵里所以垂將來示勸懼也邑之令佐年代綿遠者不可復考偽閩時有賈郁厯縣令簿以治最稱見十國紀年他無傳焉宋初題名猶闕最後稍稍始備今哀諸壁記聯次於後其間惠慈之長賢明之佐不可殫記採之耆舊所傳宰是邑者儒雅則鄭肇之呂祖平葉文炳蔡次傳政理則謝天民鄭昭叔趙公綢施李狸邢興祖皆賢令之有聲者丞如林琅李

說黃之信簿如邵應祥林唯尉如段全凌景陽譙令憲趙汝腴莊
夢說林雪賢表表為名宦至今遺愛在人不忘

知縣

賈郁字正文侯官人以文策干王審知補仙遊縣主簿秩滿遷本
縣令時郡縣吏多受賕賂公守正奉法邑人饋新果辭之客曰某
家新果眾人未知郁曰君家有兄弟否曰昆仲三人豚犬數輩郁
曰古人畏四知今君兄知弟知子知攜來者知是倍於古人也客
大慙而退公性峭直不容人吏文過吏頗畏之及受代有一吏醉

郁怒曰吾當再典此邑以懲汝輩吏揚言公欲再作縣今猶造鉄
船渡海也郁聞之是歲選集會延鈞建號聞郁有治稱乃擢授贊
善大夫復典舊邑時醉吏為庫吏不數月盜官錢數萬下獄具伏
批前牘尾曰竊銅鏹以潤家非因鼓鑄造鉄舡而渡海不假鑪錘
因决杖徒之胥懾伏未幾移治福清考滿召為御史中丞見十國紀事反

九國

志

翁處厚

孫敏

登仕郎
天禧中

羊志寧

朝請大夫試大理
評事咸平五年

孫諤

天聖中

孫起承奉郎試大理評事天聖六年

皇甫當朝奉郎守秘書丞景祐中

林杞朝奉郎守秘書丞騎都尉慶歷三年

陳佩大理寺丞慶歷六年

閻仲甫殿中丞嘉祐二年

李晉賢宣德郎守尚書都官員外郎騎都尉治平四年

李適宣德郎元豐五年

蔡彰紹聖三年

趙時宣德郎守殿中丞上騎都尉賜緋明道元年

劉德正通直郎守太子中舍騎都尉賜緋康定二年

吳丕顯朝請郎守大理丞慶歷三年

許抗大理評事至和二年

范褒奉議郎守國子博士騎都尉賜緋治平三年

林濟儒林郎熙寧四年

陳幾丞議郎元豐八年

黃兌宣德郎元祐二年

黃克

崇寧元年就差知建州建陽縣

錢聞

將仕郎崇寧二年

傅共

奉直郎守國子博士騎都尉賜緋魚袋崇寧三年

孫球

宣德郎守殿中丞騎都尉賜緋宣和元年

翁待舉

承議郎字志懷漳浦人宣和二年到

劉丕顯

通直郎宣和五年

葉搏

承直郎三山人

詹叔迴

朝散郎

徐畢

承議郎

黃沂

通直郎字元夫邵武人

梁宗範

承直郎字世則三山人寄理

李敏求

右朝奉郎開封人

鮑琚

左奉議郎字德璋鄱陽人

曾履

左朝奉郎三山人

潘湛

左通直郎開封人

林大受

右承務郎字元亮建寧人

謝天民

左承事郎字彥先建寧人

陳致一

左奉議郎字實道長樂人

鄭昭叔右通德郎字顯仲寧德人嘗與朱文公論經界言其知仙遊縣日適朝廷行經界初得戶部行下事日讀之茫然不曉所謂而僚佐吏史亟請施行因念己猶未曉何以使人乃閉閣謝事覃思旬日然後通曉心口反覆更相詰難胸中洞然無復疑滯然後集諸同官而告語之使其有疑即以相問如有數日而同官亦無不曉者然後定差保正長但取從上丁產高人分為二等大者以備都副保正小者以備大保長各以紙籤書其姓名分置兩帖又

於二帖各分四類或物力高強或人丁眾盛或才智足任謀畫或筋力可備奔走各以其類置於一帖凡選一都一保則必兼取此四色人使之同事令其各出所長以相協濟於是人皆悅從相率就事差役既定然後以戶部事目印本給之又為說其大意使退而講論期以一日悉集縣廷凡有所疑恣其請問悉以已意詳為解說力疲氣乏則請同官更番應之如是五六日凡為保正長者亦無不悉曉其法然後散遣打量不過兩月他邑差役未定而仙遊打量見次第矣竊記其言以為若使被差之官人人如鄭君之用心則雖年年經界亦無害於民者鄭福州寧

德人其後仕致家居老壽康寧九十六歲而終亦其誠心愛民之報事見朱文公文集

鄭局

左宣教郎字純中建寧人

周椿年

右通直郎浦城人

蔡孟容

右通直郎建昌人

黃濬

右承奉郎

黃烈

右承議郎長汀人

梁國材

右承議郎長溪人

陳攄

右通直郎建陽人

趙不泯

右承務郎三山人

趙公調

左奉議郎建寧人

鄭公弼

朝散郎三山人

林炯

承奉郎

黃嚴卿

通直郎同安人

陳昭嗣

承議郎三山人

劉公度

通直郎懷安人

陳景肅

朝奉郎
漳浦人

趙公塢

承議郎
三山人

呂祖平

朝奉郎
東萊人

高禾

承議郎
安溪人

樊泰之

通直郎
三山人
嘉定元年任

施季狸

通直郎
武康人
嘉定七年任

趙滾夫

奉議郎
嘉定十二年任

劉端成

字平甫
金華人
嘉定十七年任

陳接

奉議郎
長溪人

鄭肇之

朝奉郎

高之美

奉議郎
延平人

徐棟

通直郎
三衛人

葉文炳

奉議郎
浦城人
嘉定四年任

許伯詡

同安人
嘉定九年任
轉承事郎

邢興祖

宣教郎
嘉定十四年任

周晉卿

通直郎
寶慶三年任

黃登

字瀛甫紹定四年任

姚遇

通直郎三山人嘉熙元年任

蔡次傳

宣教郎字巖肖泉州人嘉祐元年任

翁永年

王稼

宣教郎字無逸泉州人嘉祐十年任

朱濬

通直郎文公曾孫寶祐五年任

趙時億

趙必燧

宣教郎字資深泉州人咸淳二年任

林首善

承議郎溫陵人端平元年任

黃清叟

通直郎字若水三山人嘉定三年任

胡元袞

通直郎泉州人嘉祐四年任

趙時鑄

通直郎三山人嘉祐八年任

趙與泌

奉議郎武陽人寶祐二年任

傅極

鄧桂發

宣教郎字彥芳泉州人景定二年任

陳繼祖

縣丞

翁珪 將仕郎 崇寧三年權

上官埴 將仕郎 大觀元年權

曾孝基 從政郎 政和七年正權

張逾 迪功郎 宣和元年權

梁之儀 迪功郎 宣和五年正權

王幹 迪功郎 靖康元年權

林忠厚 承直郎 建炎三年權

陳如埴 將仕郎 崇寧四年權

陳亨衡 宣議郎 政和三

陳向 迪功郎 宣和元年正權

林著 儒林郎 宣和二年正權

蔡章 承奉郎 宣和六年正權

朱庭楊 奉議郎 建炎元年正權

余旣 朝散郎 建炎四年正權

任畋右修職郎紹興元年任

趙紹之左朝散郎紹興六年任

陳亞卿左朝奉郎紹興十年任

孫申右從政郎紹興十五年任

張升右迪功郎紹興二十一年任

張雲翼左從政郎紹興二十九年任

康槿右宣義郎乾道元年任

張瑛右通直郎

劉侯亞左奉議郎紹興二年任

練倪右奉議郎紹興八年任

辛敷右承奉郎紹興十二年任

陳大元右迪功郎紹興十七年任

趙不敏右宣教郎紹興二十六年任

馮崇右從政郎紹興二十二年任

李光邦右承事郎乾道二年任

李訖右承事郎乾道六年任官至侍郎號臞菴

趙彥勛 右承事郎乾道九年任

葉昌言 從政郎淳熙五年任

陳詵 從事郎淳熙十一年任

葉益 文林郎淳熙十六年任

陳嶧 從事郎慶元元年任

林瓌 從政郎嘉泰元年任

趙汝固 承務郎開禧三年任

趙善蒂 承事郎嘉定四年任

趙善秉 承事郎淳熙二年任

朱益 從政郎淳熙八年任

閻涓 儒林郎淳熙十三年任

司馬遠 承直郎紹熙三年任

黃泰 文林郎慶元四年任

章定 承務郎嘉定五年任

賀貺 修職郎嘉定元年任

吳子斌 承務郎嘉定六年任

留載宣義郎嘉定九年任嘉

黃之信通直郎嘉定十三年任

姚默儒林郎嘉定十六年任

鄭應龍承直郎紹定二年任

黃定從事郎端平三年任

趙孟辯從事郎嘉熙四年任

徐澹

黃喬翼淳祐十年任

趙師介承務郎嘉定十六年任

王庸之儒林郎嘉定十四年任

趙璣夫從事郎寶慶二年任

阮有開文林郎紹定五年任

趙希全儒林郎端平三年任

曾荷孫淳祐八年任

趙汝侏淳祐八年任

趙汝催承奉郎

陳僑 迪功郎三山人
寶祐三年任

王節

鄭伯東

王光大

主簿

鄧賀 天聖六年

曾怡 紹興三年

楊中立 淳熙十年任

趙時歆

曾桂孫

林椿

周希奭 迪功郎三山人
咸淳

黃勵 熙寧元年

黃邦式 紹興十五年

陳畦 淳熙十三年任

余有猷

胥舜輔

邵應祥

韓漪
開禧二年任

林唯
嘉定六年任

趙希疎
嘉定十二年任

林度
嘉定十六年任

林炤
紹定元年任

方沂

趙彥延

張公望

丁德元

鄭繼僑
嘉定九年任

朱清孫
嘉定十四年任

黃勤伯

趙祥夫
紹定三年任

趙維夫 紹定六年任

陳一新 嘉祐改元任

趙與瑤 嘉熙三年任

林戴列 淳祐三年任

吳文子 淳祐六年任

魏成甫

劉慶孫

劉必應 寶祐元年任

陳光 寶祐四年任

林大成

劉受祖 景定三年任

林貢孫

趙若澤 登科人修職郎寄居福州侯官縣咸淳四年任

尉

凌景陽為仙遊縣尉一日檢覆於近郊有一道士挾二童子來觀
眉目疎秀精神爽拔景陽問童子為誰道士言農家子姓蔡氏問
讀書乎曰未也即蔡端明與弟高爾及歸戒道士諭其家令至邑
躬教以經二子曰進不已如夙學者公秩滿挈去郡中囑之太守
置於學督課之其後端明與弟俱擢第端明致仕通顯自公啟之

見蘇象先

譚訓

段全

將仕郎咸
平五年

陳郊

葉表

邢淵

天聖六年

張賁

李瓌 元祐六年

武尉戴安

紹興三年

葉椿

迪功郎建寧人
紹興三十年任

冀世長

紹興三年

宋恭甫

迪功郎永嘉人
隆興元年任

周汝翼

迪功郎福州人
乾道二年任

曾慤

迪功郎福州人
乾道五年任

俞茂係

迪功郎明人
乾道八年任

趙師傳

修職郎三山人
淳熙二年任

陳伯昌

迪功郎福州人
淳熙五年任

趙師瑟

修職郎泉州人
淳熙八年任

蔡天均

迪功郎泉州人
淳熙十一年任

譙令憲

修職郎臨安人
淳熙十四年任

余用之

修職郎三山人
紹興元年任

黃棟

修職郎武人
紹熙四年任

趙彥脩
修職郎三山人
慶元元年任

林策迪
功郎三山人
嘉泰二年任

陳萬言
迪功郎福州人
嘉定元年任

莊夢記
迪功郎泉州人
嘉定七年任

趙汝腴
修職郎三山人
嘉定十二年任

趙時膏
承直郎安吉人
人寶慶二年任

徐穎
從事郎臨安人
紹定四年任

楊伯震
迪功郎漳州人
嘉熙元年任

朱大同
迪功郎湖州人
慶元四年任

黃籲迪
功郎漳州人
開禧元年任

王榕迪
功郎福州人
嘉定四年任

羅雲中
迪功郎三山人
嘉定十年任

高濤
從事郎泉州人
嘉定十六年任

林雲迪
功郎三山人
紹定元年任

周端常
從事郎信州人
端平元年任

陳榮國
從事郎福州人
嘉熙二年任

陳大均 漳州人

陳騰 迪功 漳州人

黃巖孫 迪功郎泉州人

吳有定

王必登

趙淄夫 修職郎福州人

莊彌高 泉州人夢說仲子
淳祐十一年任

林公衡 迪功郎三山人
寶祐五年任

趙宗案

趙孟輻

原本序文及賈都等三人政績
注舊志餘以意推仍錄至宋末

進士題名

唐重進士科莆始於林藻歐陽詹仙遊始於陳乘楊在堯陳光又

五季僭亂不復貢士宋興莆登第者益眾景德二年仙遊葉賓始
第自是魁人韻士彬彬輩出前進士廖鈞始權考名氏歲月刻於
邑庠蔡忠惠公襄記之不但誇科第以為榮而勉勵後學又有在
科第之外者厥後續題名二許知縣伯詡立於嘉定之五年黃知
縣登立於紹定之五年盛事陸續未艾也

唐

乾寧元年蘇檢榜

甲寅

陳乘

天祐二年歸係榜

楊在堯

天祐三年裴說榜

陳光乂

宋

景德三年李迪榜

葉賓

都官員外郎南劍州判詳見良牧本傳

大中祥符元年姚瑩榜

戊申

蔡俞

陳拱

天聖二年宋郊榜甲子

廖鈞著作郎

天聖五年黃堯臣榜丁卯

張式知和壽二州詳

見良牧本傳

蔡衮

天聖八年王拱辰榜庚午

蔡襄吏部侍郎謚忠惠詳見名臣本傳

景祐元年張唐卿榜甲戌

劉拯

楊暈

陳浩

蔡高
襄弟

特奏名

葉芳

景祐五年呂臻榜
戊寅

許積
監察御史

張平叔

蔡準
贈太師

葉傳
賓子

特奏名

留萬

慶厯二年楊真榜士

吳秉

郭淇朝奉郎尚書屯田郎中見名臣本傳

鄭之尤

許章

慶厯六年賈黯榜丁未

吳秉秉弟

阮遵

丘子雲

許程猶兄

特奏名

許懋

左司郎中朝議大夫直秘閣知福州

余康

屯田郎中南劇通判

陳輯

皇祐元年馮京榜

己丑

丘子諒

子雲弟

吳演

鄭昇

秘書省校書郎見儒林傳

陳公言

陳澹

蔡丘

陳方

改名闡官至柱國賜服三品見良牧本傳

仙溪二

皇祐五年鄭獬榜癸巳

蔡頊

特奏名

郭尹琪父

嘉祐二年章衡榜丁酉

特奏名

鄭少連

嘉祐六年王侯民榜辛丑

李昂

丘從子雲父

許璽 懋弟

嘉祐八年許將榜
癸卯

章啟宗

治平二年彭汝礪榜
巳巳

黃宁

治平四年許安世榜

朱紱 寶文閣待
制贈少保

陳大卞 公言子

陳瑄 浩子

傅楫 龍圖閣待制贈少師

葉牧賓姪孫

熙寧三年葉祖洽榜

蔡京

準子歷翰林學士承旨除尚書右丞拜右僕射後遷左僕射改太宰加司空拜太師進封魯國公

蔡卞

準子京弟除尚書右遷左丞知樞密院加太子太師

葉阜

賓姪孫

鄭汝賢

少連姪

熙寧六年余中榜

癸丑

陳次升

集賢殿脩撰寶文閣待制

鄭習

許巽

穎長子

王回

監察御史

陳開宗正寺丞朝奉大夫贈金余授象姪

熙寧九年徐鐸榜丙辰

陳覺民中奉大夫右文殿脩撰知廣州

林豫知保德廣信邵武邵郎莫七州

許異補少子

特奏名

鄭君陳

陳詔

元豐二年時彥榜己未

朱寘綏姪

蔡觀

特奏名

蔡昇

元豐五年黃裳榜

壬戌

許堯夫 翼子知睦州鄂州

特奏名

蔡雍

元豐八年焦蹈榜

乙亥

許仁 工部侍郎

葉確 賓姪孫

崇寧三年

特賜進士出身

蔡攸京子領樞密院事加太子太師

崇寧五年歲次癸未

林煥

林家卿

大觀元年

賜上舍及第

陳磷覺民子吏部郎中

太醫學上舍及第

葉觀芳子

大觀三年賈安宅榜

蔡楠

蔡脩京子顯謨閣待制

蔡由佃弟中大夫贈金紫光祿大夫

陳大和輯孫朝散大夫知瓊州

洪範延姪

特奏名

傅芸

鄭範汝賢曾孫

大觀四年

上舍釋褐

郭千之

政和二年莫儔榜

張軹

陳可大 朝奉大夫知肇慶府贈中奉大夫

陳宋輔 覺民子

林正 左司郎中兩浙轉運使

特奏名

陳寵 元名次龍奉聖旨改今名

陳次顏 寵兄

仙溪二

陳次中

政和五年何栗榜

蔡樞 襄曾孫尚書職
方員外郎致仕

蔡仍 卜子

陳時彥

蔡衍 攸子

蔡伸 佃弟佃兄朝散郎徽猷閣待制

政和八年

陳駢 驥弟

傅佇 朝散大夫通判南恩州

特奏名

陳子臨方子

宣和三年何渙榜

傅知柔希寵姪

宣和六年沈晦榜

蔡榕

特奏名

許堯臣堯夫弟

傅行己巖子

許振巽子積孫

蘇欽利路轉運判官
贈大中大夫

鄭紀

陳子碩方子

陳子翼方子

建炎二年李易榜

陳辛

吳自得

丘山

特奏名第三人特賜進士出身

特奏名准赦文推恩

葉繼顏

寶臣孫

陳南夫

陳昂

紹興二年張九成榜

葉顒寶臣孫尚書左僕射林宋臣宋卿弟
林宋致宋臣弟

特奏名

傅共權子

准赦文推恩

郭延年

紹興五年

特奏名

仙溪二

五

葉專

紹興八年

特奏名

余樂

紹興十二年陳誠之榜

郭峴

特奏名

傅若

陳騶驥弟

廖鵬飛

陳君翼

陳太安

陳明卓

紹興十五年

特奏名

葉繼益 繼顏弟

紹興十八年王佐榜

陳豐 驥子國子博士知惠州

蔡珵

特奏名

陳景

紹興二十一年趙遠榜

蔣雖知江陰軍通判

葉叔僑繼顏姪

特奏名

載廷珪

紹興二十四年張孝祥榜

傅牧巖孫

傅知新知柔弟

林一鶚正直朝奉郎
江州通判

許知新鎮四世孫堯夫孫

特奏名

丘似我

鄭士諫

紹興二十七年王十朋榜

陳施明

蔡頤樞孫

紹興三十年梁克家榜

傅淇字子宗正少卿中奉大夫直龍圖閣

陳大亨時孫禧子泉州通判

留洪

特奏名

陳英

陳宗伯

林緯

陳大知

大和弟

吳自牧

鄭齊奭

陳車

隆興元年未待問榜

陳震

傅從

傅靖

韓任

吳高

陳利賓

陳謙豐子兵部侍郎

敷文閣待制

蔡珏理兄

許亞璟振子

鄭文炳

留澄

特奏名

劉嘉謀

黃辰

傅楨

陳柳

郭邦光

乾道二年蕭國梁榜

仙溪二

二十五

蔡戡仲孫

丘微之山姪

特奏名

陳筠

准赦文推恩

余鄒璵子

容林

乾道四年

丘商尹向孫

吳昭忠

嚴徽

特賜進士出身

林象顏子舉遺逸

乾道五年鄭僑榜

許翼太常博士

乾道八年黃定榜

朱泳

特奏名

廖瑤三世孫

林璘緯姪

仙溪二

二十六

淳熙三年詹駉榜

葉立功確曾孫

林楠

特奏名

洪居寔範子

丘綱微兄

淳熙五年姚穎榜

余崇龜中書舍人兵部侍郎給事中

余元一崇龜兄

特奏名

蔡崇

淳熙八年黃由榜

傅誠牧子

特奏名

傅滌

淳熙十一年衛涇榜

傅誠誠弟

蘇權欽孫總龜姪

蔡諒樞孫

傅丙輯曾孫

傅公稜輯曾孫

葉立志立功弟

特奏名

蔡謏
諒兄

陳奎

淳熙十三年

准慶壽文赦推恩

葉翬

淳熙十四年壬容榜

傅益

陳元熾

留俊求

鄭千之

傅大聲知循州

特奏名

陳度

紹熙元年徐復榜

蔡點

許興裔積五世孫
知新子

王鑑震曾孫

特奏名

陳夢烈

黃南一

仙溪二

二十八

蔡頤點兄

林文寶璘堂兄緯姪

准教文推恩

鄭衍文炳子

紹興四年陳亮榜

傅禧

特奏名

葉季友顯姪

葉樞繼益子

陳廣度弟

准紹興五年登極赦恩勅授上州文學

蔡碩姪點弟

慶元二年鄒應龍榜

蔡詵忠惠公五世孫

陳千齡

蔡敷言頤子

特奏名

李夢庚昂之姪孫

洪叔度中姪孫

黃民望

陳如晦次升姪孫利賓姪

陳公翔

慶元五年曾從龍榜

特奏名

郭淵

李茂

准赦文推恩

曾齡

周士貴

林如璧

嘉泰二年傳行簡榜

鄭勳 汝賢五世孫衍
兄子文炳兄孫

余日華 崇龜子

開禧元年毛自知榜

陳拱之 次升姪孫
寵之曾孫

郭子力 宏元孫琪元姪孫
顏年曾孫連姪

林復之 緯姪孫

蔡雋 頌從弟

郭連 宏曾孫

陳薦 筠之姪

林宜可 緯從姪孫璘姪復從姪

特奏名

傅汝霖 希寵姪孫
知新子

陳林 明卓孫

仙溪二

陳暹

嘉定元年鄭自成榜

紀用

新彥為

陳珙

明卓曾孫

特奏名

林洙

林鴻

傅大任

嘉定四年趙建大榜

陳起 師立孫哀子

林嶸

特奏名

余孝伯

嘉定七年袁甫榜

葉槃 顯姪孫知新州

李夢龍 戊子

鄭可復 昇姪孫循州通判
林日選 豫姪孫如璧姪

特奏名

陳立中

吳必聞

王斯觀

射中推恩

鄭豈卿

嘉定十年吳潛榜

王邁鑑次子第四人司農少卿

林有之宋卿孫知循州

特奏名

鄭夢賢少連孫汝賢文炳族姪行弟

蔣有秋雖孫朝奉郎

蔡廉襄裔孫

身中推恩

黃一之

嘉定十三年劉渭榜

林礪

傅煒揖元孫公稜子

特奏名

丘惟清綱微之姪

傅矩希寵孫大聲弟

林大有肅叔

趙愍夫成忠郎著
夫愍夫弟

蔡渙寶臣孫樞子

林周豫曾孫如璧從
弟日選從叔

嘉定十六年蔣重珍榜

鄭鼎新處州通判

陳獬

特奏名

鄭璟夢賢愆弟勳叔

朱首諒泳姪

准寶璽赦推恩

林日嚴豫曾姪孫如璧日選從兄

林鼎

陳蒙徽

寶慶二年王會龍榜

丘獻山五世孫第五人

李夢能戊姪夢龍從弟

鄭列少連汝賢族姪文炳弟

洪天賦中孫叔度姪

蘇國蘭欽曾孫總龜姪孫權姪

林從周礪從姪

陳立伯寵孫珙之姪孫

特奏名

張必疆平叔弼曾孫乾姪孫

吳良弼自得自牧高可姪孫

紹定二年黃朴榜

洪葉範曾孫居寔孫延姪孫

林志之礪弟從周叔

仙漢二

特奏名

蔡宗傳 佃曾孫

陳冲飛 可大姪孫

朱顥之 泳姪首諒弟

鄭谷 少連孫列兄夢賢環勳叔

林立軫 礎志之兄

傅長 楫孫

紹定五年徐元杰榜

葉大有 正簡曾姪孫試第
蔡儀甫 忠惠公五世孫

林灝 從周弟

特奏名

朱起發 泳姪首諒顏之弟李夢龍
戊子夢龍弟

喻峙

詹全

端平二年吳叔告榜

陳堯道

可大姪孫冲飛

謝汝翊

陳湯

次縣姪孫利賓孫

黃君任

謝升賢

特奏名

傅諒之

佇孫淇姪誠之從弟

尤彬

嘉熙二年周坦榜

鄭珪

林龜符

淳祐元年徐儼夫榜

林汝沆 豫元孫如璧姪孫

特奏名

黃師錫 沔孫南一姪

淳祐四年留夢炎榜

余君節 授世四孫夏姪孫元一從姪日華從弟

淳祐七年張淵微榜

章夢旂

蔡儀國

忠惠公來孫

特奏名

陳之亮

淳祐十年方逢辰榜

陳墳伯

次升五世孫立伯弟湯姪

特奏名

林士元

志之礮立軫姪

蔡德言

忠惠公五世孫

傅奕之 大聲大任猶子

寶祐元年姚勉榜

特奏名

黃龍翔

寶祐四年文天祥榜

傅一新 求姪孫

王里 邁從姪上舍

特奏名

陳泰之

留夢森

射中推恩

林邁

陳鼎新

景定三年方山京榜

傅炎發 大升姪政和縣尉終提幹

咸淳元年阮登炳榜

傅夢澄 知新孫德化縣主簿

咸淳七年

特奏名

傅桂發

炎發弟番
畧主學

傅巖起

新會主學

咸淳十年黃龍澤榜

傅登炳

南省第一人禮經魁建寧府教授

傅虎臣

永福縣尉

傅雷同

閩清縣尉

景炎元年

太學推恩

傅翹叔

惠州戶法

傅騰輝

漳州司法

以上題名原本失注按原本稱元之科第因邑志不修以致莫攷是知唐宋題名皆據宋志舊文又案寶祐

以後亦似宋人所添故
並錄之令佐題名倣此

成以家藏本來贄因求重鏤於學官或曰是志也不過一邑之事
爾且多言曩代奚足以吾辱嗚呼不有垂憲孰窺乎前不有述事
孰繼於后矧是邑之板籍入於我皇元也久矣輿圖雖大又豈以
其細微而不恤哉制度沿革當有續志於將來者然則是書也又
何泯而不傳乎方與從事劉朴等謀復之而監邑倒刺沙乃願受
其役故以餘俸為之倡士子咸喜板成之有日復拜於庭而請序
因書以遺之朝散大夫僉福建閩海道肅政廉訪司事河東田九

嘉序